

STATUTI

I SHOQËRISË ME PËRGJEGJËSI TË KUFIZUAR

“DIATHLASIS KORÇA”Sh.p.k.

KAPITULLI I

FORMA, EMËRTIMI, OBJEKTI, SELIA, KOHËZGJATJA

Neni 1 – Forma

- 1.1. Shoqëria “**DIATHLASIS KORÇA**” Sh.p.k. (në vijim “Shoqëria”) krijohet në formën e një shoqërie me përgjegjësi të kufizuar, dhe veprimtaria e saj rregullohet me anë të këtij Statuti.
- 1.2. Shoqëria vepron sipas legjislacionit shqiptar në fuqi.
- 1.3. Statuti eshte në përputhje me legjislacionin shqiptar që ka karakter të detyrueshëm, ndërsa çështjet që nuk janë shprehimisht të parashikuara në te, plotësohen nga legjislacioni shqiptar.

Neni 2 – Emërtimi


- 2.1 Emërtimi i Shoqërisë është “**DIATHLASIS KORÇA**” Sh.p.k.
- 2.2 Shoqëria fiton personalitet juridik me regjistrimin në Qëndrën Kombëtare të Regjistrimit.

Neni 3 – Objekti i shoqërisë

- 3.1. Shoqëria ka për objekt kryerjen e aktiviteteve tregtare në përputhje me legjislacionin shqiptar në fuqi.
- 3.2. Në mënyrë më specifike, aktiviteti bazë i kësaj Shoqërie do të jetë:

-Dhenia e sherbimit shendetesor paresor, ne perputhje me rregullat e shkences dhe te etikes mjekesore.

- Dhenia e sherbimit mjekesor dhe implementimin e praktikave mjekesore ne individe te vecante, ose grup



1

individesh per parandalimin, diagnostikimin, mjekimin, dhe edukimin ne fushene oftalmologjise (syrit) dheoftalmo kirurgjise (operacionetesyrit)

- 3.3. Së fundi, Shoqëria mund të kryejë çdo operacion tregtar, me individë, shoqëri tregtare, ente publike apo private, në lidhje me aktivitetin e saj bazë, siç citohet në pikën 3.2 të Statutit. Më në përgjithësi, Shoqëria mund të kryejë çdo aktivitet tjeter të nevojshëm apo të dobishëm pë realizimin e qëllimeve të shoqërisë.

Neni 4 – Selia

1. 4.1. Selia e Shoqërisë është në adresën: **Lagjia nr 5, Bulevardi “Fan Noli ” nr. 48, Korce, Shqiperi**
- 4.2. Transferimi i selisë së Shoqërisë në një vend tjeter bëhet me vendimin e Asamblesë së Ortakëve.
- 4.3. Asambleja e Ortakëve mund të vendllo hapjen e filialeve, degëve dhe përfaqësive të Shoqërisë në qytete të tjera të Shqipërisë ose në shtete të tjera.

Neni 5 – Kohëzgjatja e veprimtarisë

- 5.1. Kohëzgjatja e veprimtarisë së Shoqërisë do të jetë me një afat të pacaktuar.
- 5.2. Shoqëria mund të prishet përpara këtij afati ose mund të zgjasë kohëzgjatjen e saj me vendim të Asamblesë së Ortakëve.

KAPITULLI II KAPITALI THEMELTAR, ORTAKET, KONTRIBUTET, NDARJA DHE TRANSFERIMI I KUOTAVE

Neni 6 – Kapitali themeltar dhe ortaket

6.1. Kapitali themeltar i shoqërisë është 1.000.000 leke (një miljon leke)

6.2. Kapitali themeltar i shoqërisë përbëhet nga 1 (nje) kuota, me vlerë te përgjithshme 1.000.000 leke (një miljone leke).



2

- të gjitha të nënshkruara dhe të shlyera.

6.3 Ortaku themelues i shoqerise eshte

- Z. Konstantinos Moschou, e datëlindjes 15/04/1956, lindur në Kalandra Greqi dhe banues në Selanik (Thessaloniki) Greqi , mbajtës i kartës së identitetit nr.AZ184696.

6.4 Përgjegjësia e ortakeve shtrihet deri në shumën e kontributit në kapitalin themeltar.

Neni 7 - Kontributet

7.1. Kontributi në kapitalin e shoqërisë është ofruar si më poshtë:

- Znj. Konstantinos Moschou, ka ofruar një kontribut në para të barabartë me 1.000.000 (një miljon) leke

7.2. Sipas kontributeve të mësipërme:


- Znj. Konstantinos Moschou, i përkasin 1 (nje) kuota, që i korrespondojnë 100% (njeqind përqind) të kapitalit të Shoqërisë.

Neni 8 – Rritja e kapitalit themeltar

- 8.1 Kapitali themeltar mund të rritet pa kufi në çdo moment, një ose disa herë, me vendim të Asamblesë së Ortakëve.
- 8.2 Në rast rritjeje të kapitalit, të gjithë ortakët kanë të drejtën të nënshkruajnë rritjen në raport me pjesët e kapitalit të zotëruara prej tyre. Në rast se disa nga ortakët nuk e ushtrojnë këtë të drejtë, pjesët e tyre mund të nënshkruhen nga ortakët e tjera proporcionalisht me pjesët e kapitalit të zotëruara prej tyre.

Neni 9 – Zvogëlimi i kapitalit themeltar

- 9.1 Shoqëria mund të zvogëlojë kapitalin themeltar me vendimin e Asamblesë së Ortakëve. Në çdo rast kapitali themeltar nuk mund të



3

zvogëlohet nën kufijtë e parashikuar nga ligji.

- 9.2 Zvogëlimi i kapitalit përballohet nga secili prej ortakëve në të njëjtën masë me pjesët e kapitalit të zotëruara prej tyre.

Neni 10 – Transferimi i kuotave

- 10.1 Kuotat janë lirisht të transferueshme ndërmjet ortakëve.
- 10.2 Në rast transferimi në çdo lloj forme, si me shpërblim ashtu edhe pa shpërblim në kuptimin më të gjerë të fjalës, duke përfshirë këtu edhe dhurimin në favor të subjekteve të tjerë të ndryshëm nga ortakët, kuotat duhet më parë t'i ofrohen në parablerje ortakëve të tjerë.
- 10.3 Në një rast të tillë ortaku që do të transferojë kuotën e tij, duhet të njoftoj ortakët e tjerë, me letër rekomande me kthim përgjigje, mbi synimin për shitje, duke përcaktuar çmimin, kushtet, modalitetet, emrin e blerësit dhe afatet e transferimit. E drejta e parablerjes duhet t'i referohet të gjitha kuotave të ofruara për shitje.
- 10.4 Ortakët do të kenë në dispozicion 15 (pesëmbëdhjetë) ditë nga marrja e letrës rekomande, për t'i komunikuar ortakut që transferon kuotat, synimin e tyre për të ushtruar apo jo të drejtën e parablerjes. Në rast se ata nuk përgjigjen në afatin e caktuar, prezumohet se kanë hequr dorë nga e drejta e tyre e parablerjes.
- 10.5 Në rast se oferta pranohet nga disa ortakë, kuotat e ofruara nga ortaku që transferon kuotat, do të ndahen nga ortakët pranues, në të njëjtën masë me kuotat që ata zotërojnë, përveç rastit kur ka një marrëveshje të kundërt. Në asnjë rast, pranuesi i ofertës nuk mund të ushtrojë pjesërisht të drejtën e parablerjes.
- 10.6 Në rast se nuk ushtrohet e drejta e parablerjes, kuotat mund t'u transferohen të tretëve plotësisht apo pjesërisht, me vendimin pozitiv të Asamblesë së Ortakëve.
- 10.7 Në rast të transferimit të kuotave për shkak trashëgimie *mortis causa* ortakët e tjerë kanë të drejtë të shprehin pëlqimin e tyre për ortakët e rinj. Në rast se nuk jepet pëlqimi, kuotat mund t'u transferohen të tretëve plotësisht apo pjesërisht, me vendimin pozitiv të Asamblesë së Ortakëve.

KAPITULLI III ASAMBLEJA, ADMINISTRATORËT DHE EKSPERTI KONTABËL

Neni 11 – Asambleja e Ortakëve dhe kompetencat e saj



A handwritten signature in blue ink, consisting of stylized loops and lines, is placed here.


- 11.1 Organi vendim-marrës i Shoqërisë është Asambleja e Ortakëve.
- 11.2 Asambleja e Ortakëve është përgjegjëse për marrjen e vendimeve për çështjet vijuese: ndryshimet e satutit, emërimi e shkarkimi i administratorëve, ekspertëve kontabël e likuidatorëve, zmadhimi dhe zvogëlimi i kapitalit, transferimi i kuotave, shpërndarja e fitimeve, riorganizimi dhe prishja e shoqërisë, miratimi i bilancit dhe për çdo vendim tjetër parashikuar nga ky Statut apo nga legjislacioni përkatës.

Neni 12 – E drejta e pjesëmarrjes dhe e votës

- 12.1 Çdo ortak ka të drejtë të marrë pjesë në Asamble, të paraqesë mendimin e tij dhe të japë aq vota sa është numri i kuotave që ai zotëron.
- 12.2 Çdo ortak ka të drejtë të përfaqësohet nga një person tjetër jo-ortak, i pajisur me prokurë me shkrim, me anën e së cilës mund të japë votën e tij.
- 12.3 Ortaku nuk mund të lëshojë prokurë për votim për një pjesë të kapitalit që zotëron, në qoftë se voton personalisht për pjesën e mbetur.

Neni 13 – Thirrja e Asamblesë së Ortakëve, kuorumi dhe vendimet

- 13.1 Asambleja e Ortakëve thirret të paktën një herë në vit, brenda 6 (gjashtë) muajve nga mbyllja e vitit finanziar për miratimin e bilancit, të raportit të Administratorit, ekspertit kontabël sidhe inventarit.
- 13.2 Asambleja mund të thirret në çdo moment nga një prej Administratorëve sidhe prej një ose disa ortakëve që përfaqësojnë të paktën 5% (pesë përqind) të kapitalit themeltar. Asambleja duhet të thirret nëpërmjet njoftimit të ortakëve të paktën 7 ditë përpëra datës së parashikuar për mbledhjen e Asamblesë. Thirrja duhet të përmbajë informacion mbi rendin e ditës në lidhje me çështjet që do të trajtohen dhe për të cilat do të merret vendim, mbi vendin, orën dhe datën e mbledhjes.
- 13.3 Asambleja mund të thirret edhe jashtë selisë së Shoqërisë.
- 13.4 Asambleja do të thirret dhe mbahet rregullisht edhe pa respektimin e formaliteteve të njoftimit, në rast se janë të pranishëm ortakët që përfaqësojnë të tërë kapitalin themeltar, të cilët janë dakord të marrin vendime panvarësisht parregullsisë së njoftimit.
- 13.5 Vendimet e Asamblesë së Ortakëve, për të cilat është e nevojshme një



5

shumicë e zakonshme, janë të vlefshmenëse janë të pranishëm ortakët me të drejtë vote që zotërojnë më shumë se 30% (tridhjetë përqind) të kapitalit themeltar. Vendimet e Asamblesë së Ortakëve, për të cilat është e nevojshme një shumicë e cilësuar, janë të vlefshme nëse janë të pranishëm ortakët me të drejtë vote që zotërojnë të paktën 51% (pesëdhjetë e një përqind) të kapitalit themeltar.

13.6 Asambleja e Ortakëve vendos për:

- ndryshimet e satutit,
 - zmadhimin dhe zvogëlimin e kapitalit të regjistruar
 - Shperndarjen e fitimeve
 - Riorganizimin dhe pridhjen e Shoqerise
- me votat e 3/4 (tretekatertat) te ortakeve pjesemarres, te cilet jane te pranishem personalisht, votojne me shkrese apo me mjete elektronike, te cilet perfaqesojne te pakten 51% (pesdhjetenje perqind) te kapitalit themeltar te shoqerise.

Asambleja e ortakeve mer vendime ne mbledhje te zakonshme, me voten pro te shumices se ortakeve te pranishem, qe perfaqesojne mbi 30% (tridhjetperqind) te kapitalit themeltar per:


- Percaktimi i politikave tregetare
- Emerimin dhe shkarkimin e administratoreve
- Emerimin dhe shkarkimin e likuiduesve dhe eksperteve kontabel te autorizuar
- Percaktimi i shperblimeve per administratoret, likujdusit dhe ekspertet.
- Miratimin e pasqyrave financiare vjetore dhe raporteve te ecurise se veprimtarise
- Pjestimi i kuotave dhe anullimi i tyre
- Perfaqesimin e shoqerise ne gjykate dhe procedime te tjera ndaj administratoreve
- Miratimin e rregullave proceduriale te mbledhjeve te asamblese
- Ceshtje te tjera te parashikuara nga ligji apo statuti.

13.7 Çdo Asamble drejtohet nga një ortak ose ndonjë person tjetër i caktuar nga vetë Asambleja. Për pasqyrimin e vendimit Asambleja emëron një Sekretar, që mund të jetë edhe jo-ortak.

13.8 Vendimet e Asamblesë duhet të nënshkruhen nga Kryetari i Asamblesë dhe nga Sekretari dhe regjistrohen në Registrin e Vendimeve.

Neni 14 – Administrimi

14.1 Shoqëria administrohet nga një ose më shumë Administratorë, të cilët do



6

të veprojnë si veçmas ashtu edhe bashkërisht. Administratorëtdo tëqëndrojë në detyrë deri në shkarkim apo dorëheqje ose për një periudhë prej 5 (pesë) vitesh dhe janë të rizgjedhshëm. Në rast se Asambleja nuk merr vendim përpara mbarimit të afatit në detyrë të Administratorëve, mandati i këtyre të fundit do të rinovohet automatikisht sipas afatit të përcaktuar në këtë Statut.

- 14.2 Përfaqësimi ligjor i Shoqërisë u besohet Administratorëve. Administratorët mund të ushtrojnë të gjitha fuqitë për administrimin e zakonshëm dhe të jashtëzakonshëm të Shoqërisë, konform me sa parashikohet në nenin 95 të Ligjit n. 9901 të datës 14.04.2008 "Për tregtarët dhe Shoqëritë tregtare".
- 14.3 Administratorët mund të emërojnë përfaqësues të posaçëm për veprime apo kategori të caktuara veprimesh.
- 14.4 Administratori i parë i Shoqërisë eshte:
- Z. Vasil XEGA, e datëlindjes 10/12/1966, lindur në Korçë dhe banues në Korçë Gr, mbajtës i kartës së identitetit nr. 028496363 dhe nr personal G61210028K.

14.5 Administratori do të qëndrojë në detyrë per një periudhe 5 (pese) vjecare, me te drejte riemerimi.

14.6 Shoqëria përfaqësohet ndaj të tretëve me nënshkrimin e administratorit.

14.7 Administratori i Shoqërisë administron veprimtarinë e shoqërisë duke zbatuar politikat tregtare dhe ekonomike të përcaktuara nga Asambleja e Përgjithshme, përfaqëson Shoqërinë në marrëdhënie më çdo palë të tretë, merr masa për hartimin dhe mbajtjen në mënyrën e duhur të pasqyrave financiare dhe të dokumentave, përgatit dhe nënshkruan pasqyrat vjetore financiare dhe bilancet e konsoliduara, përgatit raportin e ecurisë dhe i dorëzon këto të fundit bashkë me propozimin përkatës për shpërndarjen e fitimeve në Asamblenë e Përgjithshme për miratim, krijon sistemin e paralajmërimit në lidhje me rrëthanat të cilat kërcënojnë veprimtarinë e Shoqërisë, dorëzon në QKR dokumentat dhe të dhënat e Shoqërisë përvçe rasteve kur ligji parashikon ndryshe, raporton në Asamblenë e Përgjithshme në lidhje me zbatimin e politikave tregtare të Shoqërisë dhe në lidhje me përbushjen e transaksioneve të një rëndësie të veçantë për ecurinë e Shoqërisë, kryen çdo detyrë tjeter të parashikuar nga ligji ose nga ky statut, është i autorizuar për të siguruar mjetet financiare dhe kredi, të lidhë marrëveshje përkatëse me banka, institucione krediti ose financiare

vëndase ose të huaja, duke përdorur si mjetë garancie në bazë të legjislacionit shqiptar në fuqi asetet e Shoqërisë.

Neni 15 – Eksperti kontabël i autorizuar

- 15.1 Në rast se kërkohet nga ligji apo vendoset nga Asambleja e Ortakëve, kontrolli i bilanceve dhe librave kontabël të Shoqërisë mund t'i besohet një ose disa ekspertëve kontabël të autorizuar.
- 15.2 Eksperti kontabël i autorizuar mund të shkarkohet sipas mënyrës së parashikuar nga legjislacioni në fuqi.

KAPITULLI IV VITI FINANCIAR, BILANCI VJETOR, SHPËRNDARJA E FITIMEVE

Neni 16 - Viti finansiar dhe bilanci vjetor

- 16.1 Viti finansiar fillon më 1 janar dhe mbaron më 31 dhjetor të secilit vit.
- 16.2 Viti i parë finansiar fillon në datën e regjistrimit të Shoqërisë në Qendrën Kombëtare të Regjistrimit dhe përfundon më 31 dhjetor të të njëjtit vit.
- 16.3 Bilancet vjetore, inventari, raportet e Administratorit dhe të ekspertit kontabël të autorizuar miratohen nga Asambleja me shumicën e kërkuar nga ligji 9901 me datë 14.04.2008 “*Për tregtarët dhe shoqëritë tregtare*”.
- 16.4 Miratimi i dokumentave që lidhen me vitin finansiar duhet të bëhet brenda 6 (gjashtë) muajve që nga fundi i vitit finansiar.


Neni 17 – Fitimet

- 17.1 Fitimet që rezultojnë nga bilanci vjetor, u shpërndahen ortakëve në proporcione pjesët e kapitalit themeltar të zotëruara.
- 17.2 Asambleja mund të vendosë edhe zbritje të veçanta në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve -plotësisht ose pjesërisht - për vitet financiare të ardhshme.

KAPITULLI V SHPËRNDARJA DHE LIKUIDIMI I SHOQËRISË

Neni 18 – Prishja

- 18.1 Shoqëria prishet me përfundimin e afatit të parashikuar nga Statuti, ose përpëra përfundimit në rastet e parashikuara nga ligji, ose me anë të një



8

- vendimi të Asamblesë së Ortakëve, me shumicën e kërkuar për ndryshimet në statut.
- 18.2 Shoqëria nuk prishet në rast të humbjes së zotësisë për të vepruar, vdekjes, ose falimentimit të ortakëve.

Neni 19 – Likuidimi

- 19.1 Në rast prishje, Shoqëria duhet të likuidohet.
- 19.2 Për të administruar këtë procedurë, Asambleja e Ortakëve emëron një ose më shumë likuidatorë, të cilët paraqesin raportet përfundimtare mbi gjendjen e aktivit dhe pasivit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 19.3 Me përfundimin e procedurës së likuidimit, Asambleja e Ortakëve do të vendosë mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likuidimit.
- 19.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.

Neni 20 - Zgjidhja e mosmarrëveshjeve

- 20.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statuti dhe aktit të themelimit, si edhe ato që mund të lindin në përgjithësi midis ortakëve (përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.
- 20.2 Në rast se nuk arrihet në një zgjidhje miqësore të mosmarrëveshjes, ato do t'i besohen fillimi i arbitrazhit ne Republiken e Greqise dhe Gjykatës së Rrethit Gjyqësor Korce.



ORTAKU I SHOQERISE

KONSTANTINOS Moschou
25/07/2018